

玉機微義卷之二十八

吳陵劉純宗厚輯

後學

張汝曜微明

技

沈廷颺佩游

淋闕門

附小便不禁附胞痺

淋闕脉證

脉經曰少陰脉數婦人則陰中生瘡男子則氣淋熱結下焦則令人淋闕不通淋之為病小便如粟狀小腹弦急痛引臍中

論淋證主熱

玉機微義卷之二十八 淋闕

原病式曰淋小便澁痛也熱客膀胱鬱結不能滲泄
故也或曰小便澁而不通者爲熱遺尿不禁者爲冷
豈知熱甚客于腎部干於足厥陰之經廷孔鬱結極
甚而氣血不能宣通則痿痺而神無所用故液滲入
膀胱而旋溺遺失不能收禁也經云目得血而能視
臟得血而能液腑得血而能氣夫血隨氣運氣血宣
行則其中神自清利而應機能爲用矣又靈樞經曰
腎主二陰然水衰虛而怫熱客其部分二陰鬱結則
痿痺而神無所用故溲便遺失而不能禁止然則熱

證明矣是故世傳方論雖曰冷淋復用榆皮黃芩瞿
麥茯苓通草鷄蘇郁李仁梔子之類寒藥治之而已
其說雖妄其方乃是由不明氣運變化之機宜乎認
是而爲非也或謂患淋而服茴香益智滑石醇酒溫
藥而愈者然則非冷歟不知此皆利小便之要藥也
蓋醇酒益智之性雖熱而茴香之性溫滑石之性寒
所以能開發鬱結使氣液宣通熱散而愈也

按此只是論熱因處治然寶鑑曰小便不利其治
有三不可槩論津液偏滲於腸胃大便溲瀉而小
便澁少者宜分利而已熱傳下焦津液則熱熱而
不行者必滲泄則愈脾胃氣澁不能通調水道下

輸膀胱而化者故可順氣令施化而出矣可見非
止於熱因也况又標本不同有論見後大抵三因
謂大率有五者總病機言也以氣爲本者氣行而
水自化也亦氣血之謂然有得之於胎氣者丹溪
云鄭憲使子年十六生七箇月後得淋病五七日
必一作其發則大痛水道下如漆和粟者一蓋方
定脉之輕則瀆重則弦視其形瘦而長色青而蒼
意其父必因多服下部藥遺熱在胎留於子之命
門而然遂以紫雪和黃柏末丸梧子大晒極乾熱
湯下百丸半日又下二百丸食物壓之又半日痛
大作連腰腹水道乃行下漆和粟者梳許痛減十
之八後張子中與陳皮一兩桔梗木通各半兩又
下一合許而安父得燥熱尚能病子况母得之者
乎書此以證東垣紅絲瘡之事云云見婦人門

論淋瀝主寒

寶鑑曰痺論云胞痺者小腹膀胱按之內痛若沃以

湯澁於小便上為清涕夫膀胱為州都之官津液藏焉氣化則能出矣今風寒濕邪氣客于胞中則氣不能化出故胞滿而水道不通其證少腹膀胱按之內痛若沃以湯澁於小便以足太陽經其直行者上交巔入絡腦氣下灌於鼻竅則為清涕也

按此則知淋澁有寒熱之殊大抵人之所稟虛實受病不同宜參脈理分治

論淋澁分三因

陳無擇云淋古謂之癃名稱不同也癃者罷也淋者滴也古方皆云心腎氣鬱致小腸膀胱不利復有冷

淋濕淋熱淋等屬外所因既言心腎氣鬱與夫驚思
恐憂卽內所因况飲啖冷熱房室勞役及乘急忍溺
多致此病豈非不內外因也大率有五曰冷曰熱曰
膏曰血曰石五種不同皆以氣爲本

嚴氏曰五淋氣石血膏勞是也氣淋爲病小便澁常
有餘瀝石淋莖中痛尿不得卒出膏淋尿似膏出勞
淋勞倦卽發痛引氣衝血淋遇熱卽發甚則溺血候
其鼻頭色黃者小便難也大抵此證多由心腎不交
積蘊熱毒或酒後房勞服食熱燥七情鬱結所致癰

閉淋閉爲病皆一類也

按此云五淋名各不同故兩存之然石淋世俗又名沙石淋子和曰世人多謂服金石燥熱之劑得之常見農家有此證豈是服金石之人也大抵是膀胱蓄熱而成此疾如湯瓶久在火中煮瓶底白碱而不能去沙石淋之證與此理同其論最爲得矣內經云少腹熱洩出白液亦甚似之也

論小便不利氣病血病之異

發明曰難經云脉有關有格何謂也然關則不得小便格則吐逆關者甚熱之氣格者甚寒之氣是關無出之由故曰關格無入之理故曰格也按寒在胷中遏絕不入熱在下焦填塞不便內經曰人迎大四倍

於氣口名曰格氣口大四倍於人迎名曰關關則不
得小便格則吐逆夫小便者是足太陽膀胱所主長
生於申申者西方金也故金能生水金者肺也肺中
伏熱水不能生是絕小便之源也人輔相天地膀胱
之源自頭項下至於足故曰陽中之陰如渴而小便
不通者不得降是也故聖人立法皆用清燥金之正
化氣薄之藥茯苓猪苓澤瀉琥珀燈心通草車前子
瞿麥萹蓄之類皆爲淡滲之藥能瀉肺火而清肺金
滋水之化源也若熱在下焦是絕其流而溺不泄也

須用氣味俱厚陰中之陰藥治之長安王善夫病小便不通漸成中滿腹大堅硬如石壅塞之極腿脚堅脹裂出黃水雙睛凸出晝夜不得眠飲食不下痛苦不可名狀伊戚趙謙甫詣余求治視歸從夜至旦耿耿不寐因記素問云無陽則陰無以生無陰則陽無以化又云膀胱者州都之官津液藏焉氣化則能出矣此病小便癰閉閉是無陰而陽氣不化也凡利小便之藥皆淡味滲泄爲陽止是氣藥陽中之陰非北方寒水陰中之陰所化者也此乃奉養大過膏梁積

熱損北方之陰腎水不足膀胱腎之室久而乾涸小便不化火又逆上而爲嘔噦非膈上所生也獨爲關非格病也潔古云熱在下焦填塞不便是治關格之法今病者內關外格之病悉具死在旦夕但治下焦可愈隨處以稟北方寒水所化大苦寒之味者黃栢知母各一兩桂一錢爲引丸如桐子大沸湯下二百丸少時來報服藥須臾如刀刺前陰火燒之痛溺如瀑泉湧出臥具皆濕牀下成流顧盼之間腫脹消散余驚喜曰大哉聖人之言豈可執一而不徧覽乎其

證小便閉塞而不渴時見躁者是也凡諸病居下焦皆不渴也二者之病一居上焦在氣分而必渴一居下焦在血分而不渴血中有濕故不渴也二者之殊至易分別耳

謹按或問肝主小便淋洩今治法主腎何也然大凡病便數者多腎經氣虛而然淋闕者有標本之分氣熱鬱結則膀胱津溢主約不利爲本病小腹痛不得便下焦氣脉實而不利是客約不行爲標病傷寒變極者遺洩直視是少陰腎先絕也故此三經干於下部爲病非獨肝也或脾肺之氣不能通調水道下輸膀胱清氣不降皆能爲癃閉腎氣虛而濁氣不升虛熱干於厥陰之絡陰挺痿痺而神無所用乃旋溺頻數人老年來多有此患腎虛極則水涸火熾真氣散而死也或曰若久寡居之

人病便數者豈腎氣虛乏不爲約乎然是金爲火
樂土爲水濡腑臟兼體相資之道失濕熱甚而經
脉縱緩亦成斯疾也觀先哲用腎氣丸等以收精
氣之虛脫爲養肺滋腎伐火導水使機關利而脾
土健實之意是也若全指爲
虛寒處治者是則一槩論也

論小便不禁或癃爲下焦虛實不同

內經曰胞移熱於膀胱則癃溺血膀胱不利爲癃不
約爲遺溺註曰膀胱爲津液之腑水注由之然足三
焦脉實約下焦而不通則不得小便足三焦脉虛不
約下焦則遺溺也靈樞經曰足三焦者太陽之別也
並太陽之正入絡膀胱約下焦實則閉癃虛則遺溺

王海藏曰因看盧氏醫鏡見薑附石脂硃砂丹一藥
味數分兩皆同惟丹硃一味用伏火者及治病有差
所治者小便數而不禁怔忡多忘魘夢不已之不同
耳見其不同而詳之乃得此之治疾不差且泛舉之
經言腎主大小便川主小便淋洩難經云小腸爲赤腸
是面赤色及便溺赤色者皆出心與小腸南方赤色
顯於外也經言下焦如瀆者正謂大小便也太便爲
陰爲有形乃下焦之下者也腎臟病爲腎主大便不
言大腸者明子行父之道小便爲氣所化乃下焦之

高者也謂肝主小便淋洩亦是子行父道爲腑病諸
氣化者皆腑諸有形血化者皆臟病所主此腑言膀
胱病此二證俱在下焦則同染有形無形及在臟在
腑有殊俱是丹田衰憊不言心火者以其相火代行
君之令故也細分之則膀胱壬水勝丙小腸者是不
傳陰則陰不病何爲有形病此爲陰之體也爲腑之
用也天地陰陽互爲體用以斯可見是明五臟者爲
六腑所用六腑者爲五臟所用明矣是有形皆爲傳
陰也夫小便不禁是膀胱不約爲遺溺此不傳陰也

是丹田胞絡受寒爲壬所尅大抵諸腑皆盛有形物
有形病皆在腑責其所來皆在臟也用伏火硃砂者
去其寒邪耳治法同者以其俱在下焦補諸刑火同
在胞絡耳以其胞與腎相對有系相通故也腎主大
便肝主小便所治安得不殊

按此論遺溺爲經虛之本病也然亦有悞服涼劑
太過而致者如東垣曰立夏前悞用白虎湯過多
致遺溺者宜溫藥升陽以解之是
也故用藥者當審誅罰無過之戒

謹按丹溪先生曰淋證多主於氣虛亦有死血作
淋者小便不通實熱者當利之因氣者宜吐之以
提其氣氣升則水自下蓋氣承載其水也痰多者
用二陳湯先服後吐痰氣閉塞者二陳加木通香

附探吐一男子病小便不通醫用利藥而加劇先生曰此積痰病也積痰在肺肺爲上焦膀胱爲下焦上焦閉則下焦塞譬如滴水之器必上竅通而後下竅之水出焉乃以法大吐之吐已病如失然此可見癰淋又不獨主於經病也

淋闕治法

治淋澁之劑

金匱腎氣丸治腎氣虛小便淋澁及婦人子淋

方見補虛門

錢氏導赤散治心經蘊熱小便赤色或成淋痛

方見熱門

局方五淋散治膀胱有熱水道不通淋澁不出或尿

如豆汁或成砂石或如膏或熱拂便血

赤茯苓 六錢

赤芍藥

山梔子 各三錢

當歸

甘草 各五錢

右咬咀每五錢入燈心水煎

本事火府丹治小便赤少及五淋澀痛

木通 三兩

黃芩 一兩

生地 二兩

右為末煉蜜丸如梧子大每服五十九木通湯下

濟生小薊飲子治下焦結熱尿血成淋

生地黃

小薊根

通草

滑石

山梔仁

蒲黃炒

淡竹葉

當歸

藕節

甘草

右等分爲呔咀每五錢水煎空心服

琥珀散治五淋澀痛小便膿血

琥珀

海金砂

沒藥

蒲黃各研

右等分爲細末每三錢食前煎萱草根湯調下日

二服

按已上諸方
並血分藥也

局方八正散治小便熱淋澀痛

清心蓮子飲治小便濁或澀

方並見熱門

立效散治下焦結熱小便黃赤淋闕疼痛或有血出

瞿麥穗

甘草

山梔

炒各三錢

右末每五錢入葱白燈心薑煎食前服

濟生地膚子湯治諸病後體虛觸熱熱結下焦遂成

淋病小便赤澀數起少出

猪苓

地膚子

各一錢五分

知母

黃芩

海藻

通草

瞿麥

枳實炒

升麻

葵子

甘草梢各一錢

右咬咀每五錢水煎入薑

按已上諸方又氣中之血藥也

海金沙散治小便淋瀝及下焦濕熱氣不施化或五

種淋疾癢閉不通

海金沙研

木通

瞿麥穗

滑石

通草各五錢

杏仁去皮尖一兩

右末每五錢水煎入燈心二十根

寶鑑茯苓琥珀湯治小便數而少淋澁脉沉緩時時

帶數

五苓散加琥珀 五錢

滑石 七分

甘草 三分

右細末每五錢長流水煎服食前

按已上並氣分藥也

局方石葶散治膀胱有熱水道不通淋瀝不出臍腹

急痛蓄作有時勞倦即發或尿如豆汁或出砂石

芍藥

白朮

滑石

葵子

木通

瞿麥

石葦

各二兩

當歸

甘草

王不留行

各一兩

右爲末每二錢空心小麥湯調下

按此血中之氣藥也與已上並治熱之劑

三因生附散治淋而脉沉微小便秘澁數起不通竅

中痛

附子

滑石

各五錢

瞿麥

水通

半夏

各七錢五分

右為末每二錢入薑三片燈心二十莖蜜半匙水

煎食前服

按此治寒之劑也

治癰閼之劑

東垣滋腎丸治下焦陰虛脚膝無力陰汗陰痿足熱
不履地不渴而小便閼

黃栢

酒洗焙

知母

酒洗焙各一兩

肉桂

一錢

右為末水丸如桐子大每服百丸加至二百丸煎

三錢散
淋閼

百沸湯送下

白花散治小便不通膀胱蘊熱

朴硝

右末每二錢煎茴香湯調下食前服

按已上並血分藥也

清肺散治渴而小便闕或黃或澁

茯苓 二錢

猪苓 三錢

燈心 一分

木通 七分

通草 二分

車前子 炒一錢

瞿麥 五分

篇蓄 七分

澤瀉

琥珀 各五分

右為細末每五錢水煎食前服作湯亦可

紅秫散治小便不通上喘

紅秫黍根 二兩 篇蓄 一兩

五錢

燈草 一百根
三寸長

右吹咀每五錢長流水煎服

按已上並
氣分藥也

黃芩清肺飲治肺燥而小便不通

黃芩 一錢

梔子 三箇
打破

右吹咀長流水煎服不利加鹽豉二十粒

滋陰化氣湯治因服熱藥過多小便不利諸藥不効
或臍下悶痛難忍

黃連

黃栢 各炒

甘草 炙等分

右咬咀每五錢水煎食前服如不通加知母

按此二方
助陰藥也

治胞痺之劑

千金方茯苓丸治胞痺小便內痛

赤茯苓

防風

細辛

白朮

附子 炮

澤瀉

官桂 各五錢

天花粉

紫苑

牛膝 酒浸

黃芪

白芍藥

甘草 炙各三分

生地黃

山茱萸

山藥

獨活

半夏 各一分

右末蜜丸梧子大每十丸溫酒送下食前

巴戟丸治胞痺臍腹痛小便不利

巴戟 去心一兩五錢

桑螵蛸 熬炒

遠志 去心

山芋

生地黃

附子 炮

續斷

肉蓯蓉

酒浸各一兩

杜仲 炒

石斛

鹿茸

酥炙

龍骨

兔絲子

酒浸

五味子

山茱萸

桂

各三分

右十六味細末蜜丸梧子大每三十九空心酒下
腎瀝湯治胞痺小腹急小便不利

麥門冬

木通

桔梗

桑白皮

杜仲

炒

犀角屑

五加皮

各一兩

赤芍藥

五錢

右咬咀每五錢水煎加羊腎一箇竹瀝少許

宣明腎著湯治胞痺證小腹膀胱按之內痛若沃以湯澀於小便上為清涕不止者

赤茯苓

白朮 各四兩

甘草 炙三兩

乾薑

炮二兩

右為末每五錢水煎溫服日三次

按此四方當分寒熱之異選使然腸痺亦有腹痛發泄小便便秘澀者宣明論有證治例詳見本論又可見小便不利非止胞痺為患也

治淋瀝不禁之劑

局方二氣丹治內虛裏寒膀胱積冷陽氣漸微小便

不禁

硫黃

研

肉桂

各二錢五分

乾薑

炮

硃砂

為衣各二錢

附子

一枚大者炮去皮臍為末五錢

右為末糊丸如梧子大每五十九鹽湯下食前服

薑附赤石脂硃砂丹治小便數而不禁怔忡多忘魘

夢不已

附子

生

乾薑

各五錢

赤石脂

一兩五錢水飛

硃砂

一兩研

右為細末酒糊為丸如菉豆大每十五至二十

丸大便有病米飲下小便不禁茯苓湯下

按此二方助陽之劑也

御醫院方秘元丹治內虛裏寒自汗時出小便不禁

白龍骨

三兩

訶子

十箇

砂仁

一兩

靈砂

二兩

右爲末煮糯米粥丸如梧子大每五十丸空心鹽

酒下

按此固陽之劑也

濟生兔絲子丸治小便多或致失禁

兔絲子

二兩

牡礪

煨

附子

炮

五味子

鹿茸

酒炙各一兩

菴蓉

酒浸二兩

雞胫

炙乾

桑螵蛸

酒炙各五錢

右爲末酒糊丸如梧子大每七十九空心鹽湯溫

酒任下

三因家萐子丸治下元虛冷小便不禁或成白濁

家萐子

六兩炒

鹿茸

四兩酥炙

菴蓉

酒浸

牛膝

熟地黃

當歸

各二兩

巴戟

去心

兔絲子

酒浸

杜仲

石斛

桂心

乾薑

炮各一兩

右爲末酒糊丸如梧子大每百丸空心鹽湯溫酒任下

按此二方助陽滋陰之劑也

茯苓丸治心腎俱虛神志不守小便淋瀝不禁

赤茯苓

白茯苓

等分

右爲末以新汲水按洗澄去新沫筋脉別取地黃汁與好酒同與銀石器內熬成膏搜和丸如彈子大空心鹽酒嚼下一丸

按此滋陰固
真之劑也

雜方

澹寮桑螵蛸散治小便頻數或如稠米泔色

桑螵蛸

鹽水炙

遠志

菖蒲

鹽水炙

龍骨

人參

茯神

當歸

鱉甲

醋炙各等分

右為末每二錢臨臥人參湯調服

五子丸治小便頻數時有白濁

兔絲子

酒蒸

家萆子

炒

益智

茴香

炒

蛇牀子

炒各等分

右爲末酒糊丸如桐子大每七十九米飲鹽湯任

下

通氣法

治小便不通諸藥無効或轉胞至死此法用之小便
自出用猪尿胞一箇底頭出一小眼用翎筒通過
放入眼內根底細線繫定翎筒上用細杖子堵定
再用黃蠟封固尿胞口頭吹滿氣七分繫定了再
用手捻定翎筒根頭去了黃蠟堵塞插入陰孔內

放開翎筒根頭手捻其氣透裏自然小便卽出大有神效

灸法

灸小便淋澁法炒鹽不以多少炒熱填滿病人臍中是神闕穴也却用筋頭大艾炷灸七壯良驗或灸三陰交穴

一法小水閼澁以猪膽連汁籠住小便少時汁入自出婦人用藥末貯袋子安入陰戶中必通

玉機微義卷之二十八終

玉機微義卷之二十九

吳陵劉純宗厚輯

後學

張汝曜薇明

校

沈廷颺佩游

眼目門

論目爲血脉之宗

內經曰諸脉者皆屬於目目得血而能視針經曰五臟六腑之精氣皆上注於目而爲之精精之窠爲眼骨之精爲瞳子筋之精爲黑眼血之精爲絡其窠氣之精爲白眼肌肉之精爲約束裹擷筋骨血氣之精

而與脈并爲系上屬於腦後出於項中故邪中於項
因逢其身之虛其入深則隨眼系以入於腦入於腦
則腦轉腦轉則引日系急日系急則目眩以轉矣邪
其精其精所中不相比也則精散精散則視岐視岐
見兩物目者五臟六腑之精也榮衛寃鬼之所常營
也神氣之所生也故神勞則寃鬼散志意亂是故瞳
子黑眼法於陰白眼赤脈法於陽也故陰陽合傳而
精明也目者心之使也心者神之舍也故神精亂而
不轉卒然見非常處精神寃鬼散不相得故曰惑也

東垣曰夫十二經脉三百六十五絡其血氣皆上走於面而走空竅其清陽氣上散於目而爲精其氣走於耳而爲聽因心煩事冗飲食失節勞役過度致脾胃虛弱心火太盛則百脉沸騰血脉逆行邪害空竅天明則日月不明矣夫五臟六腑之精氣皆稟受於脾上貫於目脾者諸陰之首也目者血脉之宗也故脾虛則五臟之精氣皆失所司不能歸明於目矣心者君火也主人之神宜靜而安相火代行其令相火者包絡也主百脉皆榮於目旣勞役運動勢乃妄行

又因邪氣所并而損血脈故諸病生焉凡醫者不理脾胃及養血安神治標不治本是不明正理也

按此論曰爲腑藏血脈精氣之宗至爲詳悉豈但世俗拘之於五輪八廓而已也

論曰昏赤腫翳膜皆屬於熱

原病式曰目昧不明目赤腫痛翳膜皆瘍皆爲熱也及目膜俗謂之眼黑亦爲熱也或平白日無所見者熱氣鬱之甚也或言目昧爲肝腎虛冷者誤也是以妄謂肝主于目腎主瞳子故妄言目昧爲虛而冷也然腎水冬陰也虛則當熱肝木春陽也虛則當冷腎

陰肝陽豈能同虛而爲冷者歟或通言肝腎之中陰實陽虛而無由目昧也俗妄謂肝腎之氣衰少而不能至于目也不知經言熱甚目瞑眼黑也豈由寒爾又如仲景言傷寒病熱極則不識人乃目盲也正理論曰由熱甚怫鬱於目而致之然也若目無所見耳無所聞悉由熱氣怫鬱之府閉密而致氣液血脉榮衛精神不能升降出入故也各隨鬱結微甚而有病之輕重也故知熱鬱于目無所見也故目微昏者至近則轉難辨物由目之玄府閉小也隔縑視物之象

也或視如蠅翼者立府有所閉合者也或目昏而見
黑花者由熱氣甚而發之於目亢則害承乃制而反
出其泣氣液眩之以其至近故雖視而亦見如黑花
也及衝風泣而目暗者由熱甚而水化制之也故經
言厥則目無所見夫人厥則陽氣并于上陰氣并于
下陽氣并于上則火獨光也陰氣并于下則足寒足
寒則腫也夫一水不勝五火故目眚而盲是以衝風
泣下而不止夫風之中於目也陽氣內守於睛是火
氣燔目故見風泣下

按此論熱甚怫鬱陰陽并厥立府閉密致目病之由甚詳蓋一主於火熱之化也若由飲食辛熱七情所動六氣淫鬱氣血虛實則東垣子和陳無擇輩論亦已詳悉然亦有痰熱濕熱與夫服食金石燥熱之藥致者或久病後榮衛虛弱肝氣腎陰不足或元氣精氣虛衰及脫營爲病皆有虛熱實熱之殊並宜分治

論眼證分表裏治

機要曰在腑則爲表當除風散熱在臟則爲裏宜養血安神暴發者爲表而易治久病者在裏而難愈

論目疾宜出血最急

子和曰聖人雖言目得血而能視然血亦有太過不

及也太過則目壅塞而發痛不及則目耗竭而失明
故年少之人多太過年老之人多不及但年少之人
則無不及年老之人其間猶有太過者不可不察也
夫目之內眥太陽經之所起血多氣少目之銳眥少
陽經也血少氣多目之上綱太陽經也亦血多氣少
目之下綱陽明經也血氣俱多然陽明經起於目兩
旁交頰之中與太陽少陽俱會於目惟足厥陰經連
於目系而已故血太過者太陽陽明之實也血不及
者厥陰之虛也故出血者宜太陽陽明蓋此二經血

多故也少陽一經不宜出血血少故也刺太陽陽明
出血則目愈明刺少陽出血則目愈昏要知無使太
過不及以血養目而已凡血之爲物太多則溢太少
則枯人熱則血行疾而多寒則血行遲而少此常理
也目者肝之外候也肝主目在五行屬木雖木之爲
物太茂則蔽密太衰則枯瘁矣夫目之五輪乃五臟
六腑之精華宗脉之所聚其氣輪屬肺金肉輪屬脾
土赤脉屬心火黑水神光屬腎水兼屬肝木此世俗
皆知之矣及有目疾則不知病之理豈知目不因火

則不病何以言之氣輪變赤火乘肺也肉輪赤腫火
乘脾也黑水神光被翳火乘肝與腎也赤脉貫目火
自甚也能治火者一句可了故內經曰熱勝則腫凡
目暴赤腫起羞明隱澁泪出不止暴寒目瞶皆大熱
之所爲也治火之法在藥則鹹寒吐之下之在針則
神廷上星顙會前項百會血之翳者可使立退痛者
可使立已昧者可使立明腫者可使立消惟小兒不
可刺顙會爲肉分淺薄恐傷其骨然小兒水在上火
在下故目明老人火在上水不足故目昏內經曰血

實者宜決之又經曰虛者補之實者瀉之如雀目不能夜視及內障暴怒大憂之所致也皆肝主司血少禁出血止宜補肝養腎至於暴赤腫痛皆宜以銚針刺前五穴出血而已次調鹽油以塗髮根甚者雖至于再至於三可也量其病勢以平爲期

按此謂目疾出血最急於初起熱痛暴發或久病鬱甚非三稜針宜泄不可然年高之人及久病虛損并氣鬱者宜從毫針補瀉之則可故知子和亦大畧言爾於少陽一經不宜出血無使太過不及以血養目而已斯意可見

論內障外障

龍水論曰眼疾有七十二般內障二十三候外障四十九候病狀一一不同據其疾狀認識既不差錯治療必有所憑

謹按諸候詳見本論然內障為黑水神光昏翳外障則有翳膜者是今論中雖具諸候而所用藥多本風熱故並畧去然內障有因於痰熱氣鬱血熱陽陷陰虛脫營所致種種病因皆畧之不議况外障之翳有起於內眥外眥睛上睛下睛中當視其翳色從何絡而來如東垣治例魏邦彥夫人目翳從下而上病自陽明來也緣非五色之正殆肺腎合而為病也乃就畫家以墨調膩粉合成色諦視之與翳色同矣肺腎為病者無疑乃瀉肺腎之邪而以入陽明之藥為之使既效而他日復病作者三其所從來之經與翳色各異因詢此必經絡不調目病未已問之果然如所論治之疾遂不作若

此憑其色究其所兼所本之因處治而不愈者蓋邪蘊日久而實元氣陰氣不足所致也當以王道論治庶可但世俗不能守此理遂致失明者多矣悲夫

論瞳子散大

東垣曰瞳子散大者由食辛熱之物太甚故也所謂辛主散熱則助火上乘於腦中其精故散精散則視物亦散大也夫精明者所以視萬物者也今視物不真則精衰矣蓋火之與氣勢不兩立故經曰壯火食氣壯火散氣手少陰足厥陰所主風熱連目系邪入中人各從其類故循此道而來攻頭目腫悶瞳子散

大皆血虛陰弱故也當除風熱涼血益血以收耗散之氣則愈矣

論倒睫赤爛

東垣曰夫眼生倒睫拳毛者兩目緊急皮縮之所致也蓋內復熱致陰氣外行當去其內熱并火邪眼皮緩則眼毛立出翳膜亦退用法攀出內臉向外速以三稜針出血以左手爪甲迎其鍼鋒立愈

目眵歲久赤爛俗呼爲赤瞎是也當以三稜針刺目眶外以瀉濕熱而愈

按已上所論可謂深達病情然是證亦多是血熱陰虛火動所致蓋血所以滋經脉養毛髮者也故當外治以瀉其瘀熱內治以杜絕其源可也

論目不能遠視爲陰氣不足

東垣曰能遠視不能近視者陽氣不足陰氣有餘也乃氣虛而血盛也血盛者陰火有餘氣虛者氣弱也此老人桑榆之象也能近視不能遠視者陽氣有餘陰氣不足也乃血虛氣盛血虛氣盛者皆火有餘元氣不足火者元氣穀氣真氣之賊也元氣來也徐而和細細如線邪氣來也緊而強如巨川之水不可遏

謹按陽氣者猶日火也陰氣者金水也先儒所謂
金水內明而外暗日火內暗而外明者也然人之
目備腑臟五行精華相資而神明故能視卽此理
之常也雖經曰日得血而能視殊不知氣者蓋血
得氣爲水火之交而能神明之也否則陰虛不能
視遠陽乏不能視近是爲老人桑榆之漸然學者
於目病能求諸
此則思過半矣

論目疾分三因

陳無擇云病者喜怒不節憂思兼並致臟氣不平鬱
而生涎隨氣上厥逢腦之虛浸淫眼系陰注於目輕
則昏澁重則障翳眵淚努肉白膜瞶睛皆內所因或
數冒風寒不避暑濕邪中於項乘虛循系以入於腦

故生外翳醫論中所謂青風綠風紫風黑風赤風白風白翳黃翳等隨八風所中變生諸證皆外所因或嗜慾不節飲食無時生食五辛熱啖炙煇馳騁田獵冒涉烟塵勞動外情喪明之本皆不內外因治之

按論中所言致證之因至爲詳悉惜乎其方多本於風熱及水臟陽虛處治而未備學者當自爲通變耳

論偷針眼

巢氏曰凡眼內眦頭忽結成炮三五日間便生濃汁世呼爲偷針此由熱氣客在眦間熱搏於津液所成

但其勢輕者小小結聚汁潰熱歇乃瘥

謹按世傳眼皆初生小胞視其皆上卽有細紅點如瘡以針刺破眼時卽瘥故名偷針實解太陽經之結熱也人每試之有驗然巢氏但具所因而更不分經絡則又失于詳悉也

眼目治法

治風之劑

局方密蒙花散治風氣攻注兩眼昏暗眵淚羞明并

暴赤腫

羌活

白蒺藜

炒

木賊

密蒙花

石決明

各一兩

菊花

二兩

右爲末每服二錢茶清食後調下

三因羌活散治風毒上攻眼目昏澁翳膜生瘡及偏

正頭疼目小黑花累累者

羌活

川芎

天麻

旋覆花

青皮

南星炮

藁本

各一兩

右爲末每服二錢水煎入薑三片薄荷七葉

按已上並足太陽厥陰藥也

東垣明目細辛湯治兩目發赤微痛羞明畏日怯風

寒怕火眼曉成紐眵糊多隱澁難開眉攢腫悶鼻
塞涕唾稠粘大便秘澁

麻黃

羌活 各三錢

防風 二錢

藁本

白茯苓

當歸尾 各一錢

川芎

細辛

蔓荊子 各五分

荆芥穗 一錢五分

生地黄 一錢酒製

椒 八箇

桃仁 二十箇

紅花 少許

右咬咀分作四服水煎食後熱服

按此足太陽厥陰手少陰藥也

機要四物龍膽湯治目赤暴發雲翳疼痛不可忍

四物湯 各五錢
羌活
防風 各三錢

草龍膽
防已 各二錢

右段咀作數服水煎

按此足厥陰太陰太陽藥也

防風飲子治拳毛倒睫

黃芪
甘草
人參 各一錢

葛根
防風
細辛葉

蔓荊子 各五分
當歸 七分半

右咬咀作一服水煎食後服

按此足太陽陽明足太陰藥也

治熱之劑

局方洗心散 方見熱門

濟生羊肝丸治肝經有熱目赤睛疼視物昏澁

羊肝 一具生用局方用白羊肝

黃連 去鬚為末

右先將羊肝去筋膜於沙盆內搗爛入連末杵和丸如梧子大每五十丸用熟水送下

按此手少陰足太陰厥陰藥也

東垣瀉熱黃連湯治眼暴發赤腫疼痛

黃芩 酒製

黃連 酒製

草龍膽

生地黄 各一兩
升麻 五錢

柴胡 一兩

右咬咀每四錢水煎去滓於日午前飯後熱服

按此手少陰太陰足陽明少陽少陰藥也

治風熱之劑

局方明目流氣飲治風熱上攻眼目視物不明常見

黑花當風多淚隱澁難開

大黃 煨

牛蒡子 炒

川芎

菊花

白蒺藜

炒

細辛

防風

玄參

山梔

炒

黃芩

甘草

炙

蔓荆子

荆芥

木賊

各一兩

草決明

一兩五錢

蒼木

米泔浸炒三兩

右為末每二錢臨卧用溫酒調下

按此手足三陰足

陽明太陰藥也

洗肝散治風毒上攻暴作赤目腫痛難開隱澁眵淚

薄荷葉

當歸

羌活

防風

山梔仁炒

甘草炙

大黃

川芎各二兩

右為末每二錢食後煎水調下

按此足太陽厥陰手足太陰藥也

錢氏瀉青丸治目暴發赤腫疼痛

方見熱門

按此足太陽少陽太陰厥陰藥也

東垣連翹飲子治目中溜火惡日與火隱澁小角緊

久視昏花迎風有淚

蔓荊子

生甘草

連翹各三分

茈胡 二分

黃芩 酒製 五分

生地黃

當歸

紅葵花

人參 各三分

黃芪

防風

羌活 各五分

升麻 一錢

右咬咀作一服水煎食後熱服

按此足三陽少陰厥陰藥也

治濕熱之劑

神芎丸治濕熱內甚目赤腫或白睛黃色

方見火門

按此足陽明厥陰藥也

東垣龍膽飲子治疳眼流膿生疳翳濕熱為病

黃芩炒

青蛤粉

羌活

草龍膽各三錢

麻黃一錢五分

蛇退皮

穀精草

川鬱金

炙甘草各五分

升麻二錢

右細末每二錢食後茶調服

按此足太陽陽明手足太陰藥也以上六方宜隨表裏而輕重之亦不可例用

理血之劑

局方明目地黃丸治男女肝腎俱虛風邪所乘熱氣

上攻目翳遮睛目澁多淚

牛膝

酒浸
三兩

石斛

枳殼

杏仁

去皮炒

防風

各四兩

生地黃

熟地黃

各一斤

右為末煉蜜丸如桐子大每三十九丸食前鹽湯下

按此出太陽
例又氣藥也

易簡加減駐景丸治肝腎氣虛兩目昏暗視物不明

車前子

炒二兩

熟地黃

當歸

各五兩

楮實子

川椒

炒各
一兩

五味子

枸杞子 各二兩
兔絲子 酒製 八兩

右為末蜜糊丸如梧子大每三十九丸食前溫酒下

謹按肝為相火有瀉無補况陰水虛而陽火實病
目者多故此二方蓋補肝之陰虛也頗有理故收
入

地芝丸治目不能遠視能近視或亦妨近視

生地黃 焙乾
天門冬 去心各 枳殼 二兩炒

甘菊花 二兩

右為細末煉蜜為丸如桐子大茶清送下百丸食

後服

理氣之劑

局方定志丸治眼不能近視反能遠視者

白茯苓

人參 各一兩

遠志 去心

菖蒲 各二兩

右爲細末煉蜜丸如梧子大以硃砂爲衣每服七丸至二三十丸溫米飲下食後日三服

按已上二方手太陰少陰藥也

濟生桑白皮散治肺氣壅塞毒氣上攻眼目白睛腫張日夜疼痛

玄參

桑白皮

枳殼炒

升麻

杏仁炒

旋覆花

防風

赤芍藥

黃芩

甘菊花

甘草炙

甜葶藶炒各一兩

右咬咀每五錢入薑三片煎

按此又治風熱之劑也出太陽側

養陽之劑

東垣神效黃芪湯治渾身麻木不仁或頭面或手或腿脚麻木不仁兩目緊急縮小及羞明畏日或視

物無力

黃芪 二兩

人參 八錢

炙甘草 一兩

蔓荊子 三錢

白芍藥 一兩

陳皮 五錢

右咬咀每五錢水煎臨卧熱服

益氣聰明湯治飲食不節勞役形體脾胃不足得內障耳鳴或多年目昏暗視物不能此藥能令人目廣大久服無內外障耳鳴耳聾之患

黃芪

甘草

人參 各五錢

升麻

葛根 各三錢

蔓荊子 一錢五分

白芍藥

黃栢酒炒各
二錢

右咬咀每服三錢水煎臨卧熱服近五更再服之
得腫更妙如煩悶或有熱漸加黃栢春夏加之盛
暑月倍之若加多則不效

人參補胃湯治勞役所傷飲食不節內障昏暗

前黃芪湯減陳皮芪再減半加黃栢一兩酒
拌透

右咬咀每服三四錢水煎食遠稍熱服後兩目廣
大視物如童時覺兩脚踏地不知高下蓋冬天多
服升陽藥故也病減住服

按已上手足太
陰少陰藥也

滋陰之劑

東垣連栢益陰丸

羌活

獨活

甘草

當歸尾製

防風

五味子

石決明燒各五錢

草決明

細黃芩

黃栢

知母

黃連酒拌炒各一兩

右件為細末煉蜜為丸如菉豆大每五十九丸漸加
至百丸食遠茶清送下常多服補陽湯少服此丸

滋陰腎氣丸此壯水之主以鎮陽光

熟地黃 三兩

牡丹皮 五錢

生地黃 四兩

澤瀉

茯苓 各二錢五分

當歸尾

山茱萸

芫胡

五味子

乾山藥 各五錢

右件於石臼中杵為細末煉蜜為丸如桐子大每服五七十九丸鹽湯空心服

按已上並少陰藥也

養陽滋陰之劑

局方菊睛丸治肝腎不足眼目昏暗常見黑花多淚

枸杞子

三兩

菴蓉

酒浸炒

巴戟

去心各一兩

甘菊花

四兩

右為末煉蜜丸如桐子大每五十九溫酒鹽湯食

遠任下

東垣滋陰地黃丸治眼目瞳子散大於黃睛視物無

的或卒然見非常之處

熟地黃

一兩

生地黃

一兩五錢

茈胡

八錢

天門冬

炙甘草

枳殼

各三錢

人參

地骨皮 各二錢

黃連

五味子 各三錢

黃芩

當歸身 酒焙各五錢

右件爲細末煉蜜爲丸如棗豆大每百丸溫茶清送下日進二次忌辛辣生冷之物

按此二方足少陰之劑也前方主右腎此方主左腎之藥故亦異爾

補陽湯治陽不勝其陰乃陰盛陽虛則九竅不通青

白翳見於大眦及足太陽少陰經中鬱遏足厥陰

肝經氣不得上通於目故青白翳內阻也當於太

陽少陰經中九原之下以益肝中陽氣衝天上行

此乃先補其陽後於足太陽并太陰標中標者頭也瀉足厥陰肝經火下伏於陽中乃次治也內經云陰盛陽虛則當先補其陽後瀉其陰是也每日清晨服補陽湯臨卧服益陰丸若天色變飲食不調俱不得服

羌活

獨活

甘草

人參

熟地黃

黃芪

白朮 各一兩

澤瀉

陳皮 各五錢

生地

白茯苓

知母 炒各三錢

柴胡 二兩

防風

白芍藥 各五錢

肉桂 一錢

當歸身 酒製 三錢

右同為粗末每服五錢水煎空心服之

冲和養胃湯治內障眼得之脾胃元氣衰弱心火與

三焦俱盛飲食失節形體勞役心不得休息故上

為此疾服之神効

芫胡 七錢

防風 五錢

羌活

炙甘草

黃芪 各一兩 五錢

當歸 酒製

白朮

升麻

人參

葛根 各一兩

白芍藥 六錢

白茯苓 三錢

乾薑 一錢

五味子 二錢

黃芩

黃連 各七錢

右咬咀每五六錢水煎食遠稍熱服

按已上足三陽手足太陰藥也

治障翳諸方

龍木論還睛丸治眼內赤澁有花或黑或白或紅皆

因肝臟積熱肺受風邪初患之時宜令針治諸穴

內服此

人參

桔梗

黃芩

熟地黃

防風

羌蔚子

車前子

知母

細辛

五味子

各二兩
五錢

玄參

五錢

右為末煉蜜丸如桐子大空心茶下十九

按本論治內障諸方與此
相類者甚多姑存此
一法

局方蟬花無比散治大人小兒風毒傷肝或為氣攻

一切眼目昏暗漸生翳膜及久患頭風牽搐兩眼

漸漸細小連眦赤爛

茯苓

甘草 炙

防風 各四兩

石決明

鹽水煮研如粉

川芎

羌活

當歸

各三兩

白芍藥

十兩炒

蒺藜

八兩炒

蟬退

二兩

蒼朮

十二兩

蛇蛻

一兩

右爲末每三錢食後米泔調服茶清亦得

按此足三陽太陰厥陰藥也

蟬花散治肝經蘊熱毒氣上攻眼目赤腫多淚羞明

一切風熱昏翳

穀精草

菊花

蟬脫

羌活

甘草

炒

白蒺藜

炒

草決明

防風

山梔

炒

川芎

密蒙花

木賊

荆芥穗

黃芩

蔓荊子

各等分

右爲末每二錢食後茶清調下

按此足太陽少陽厥陰手太陰藥也

本事方羊肝丸

兔絲子

車前子

麥門冬

決明子

茯苓

五味子

三變收養卷之三 眼目

枸杞子

菟蔚子

苦葶藶

蕤仁

地膚子

澤瀉

防風

黃芩

杏仁炒

細辛

桂心

青箱子

各一兩

熟地黄

一兩五錢

白羯羊肝

只用于肝一片薄切新瓦上炒乾

右為細末煉蜜為丸如桐子大每服三四十九溫

水下日三次

按此足太陽少陰手太陰少陰藥也

秘方撥雲退翳丸

瓜蒌根

枳實

甘草 炙

蔓荊子 焙

薄荷 各五錢

川芎

木賊 酒浸一宿焙

密蒙花

荊芥穗

地骨皮

羌活

白蒺藜

甘菊花 各一兩

蛇退

黃連 各三錢

川椒 七錢五分 炒去目

當歸 一兩五錢 酒浸焙乾

蟬退 三錢

右為細末煉蜜丸每兩作十九丸每服一丸食後臨

臥日進三服翳者米泔水下睛暗當歸湯下內障

木香湯下

按此足太陽厥陰手少陰藥也然翳膜之疾有氣血虛實或夾痰熱七情六淫或陰虛火動濕熱致者種種不同皆宜求責但已上法不能以盡病情之變學者宜擴充焉

點洗諸方

局方湯泡散治肝經風熱上壅眼目赤澁睛疼多淚

赤芍藥

當歸

黃連

等分

右爲末每二錢湯頓調熱洗日三五次御藥院加

荆芥

三因立勝散治風熱攻眼隱澁羞明腫痛

黃連

秦皮

防風

黃芩 等分

右咬咀水煎熟用新羊毫筆蘸刷洗眼

金露膏除昏退翳截赤定疼

麩仁 槌碎

黃丹 各一兩

黃連 五錢

蜜 六兩

右先將黃丹炒令紫色入蜜攪勻下長流水四升以嫩柳枝五七莖一把定攪之次下麩仁候滾十數沸又下黃連用柳枝不住手攪熬至升七八合眾籬內傾藥在紙上慢慢滴之勿令塵污如有瘀

肉加硃砂末一錢上火上化開入前膏子內用

按龍木論云患傷寒熱病後切不可點恐損眼也斯言可以為藥禁云

寶鑑春雪膏治風熱上攻眼目昏暗痒痛隱澁難開

多眵淚羞明疼痛或生翳膜

黃連

四兩判用童便二升浸一宿去連以汁滓甘石

南蘆甘石

十二兩用黃連汁滓

好黃丹

六兩水飛

硃砂

一錢細研水調在蓋內頓乾為度

乳香

烏魚骨

燒存性

當歸

各三錢

麝香

輕粉

各少許

白丁香

五分

右各研另貯先用好蜜一斤四兩煉去蠟却下甘
石末不住手攪次下丹次下諸藥末不住手攪至
紫金色不粘手爲度搓作挺子每用一粒新水磨
化時時點之忌酒濕麩蕎麥

拔萃方搐藥治偏頭疼眼疾

蒼耳頭

薄荷葉

盆硝

石膏

各一錢
亂文者

乳香

細辛

貫芎

各五分

右爲極細末早午夕三時搐鼻

寶鑑方無蒼耳

乳香細辛有荆芥桔梗

蟾光膏治遠年病目不通道路退去雲膜須用十二

月開成日合

白砂蜜

四兩用隔年葱一根去須皮切短與蜜一同熬去白膜候葱熟為度以綿濾淨

紙取
蠟面

黃丹

蜜陀僧

各水飛
三錢

蘆甘石

火煨五
錢水飛

已上三味研極細傾入前蜜中桃柳無節者各一枝攪勻

當歸

赤芍藥

杏仁

湯泡去皮
尖各五錢

黃連 去蘆淨 二兩

川芎

秦皮

訶子皮

防風

石膏

玄精石

井泉石

無名異

玄參

代赭石

石決明 各三錢

已上十五味同咬咀用雪水或長流水五升於銀器內熬至二升濾去滓淨再熬至一升傾入前藥蜜內銀器內慢火熬紫金色時再下後藥勿令過

火

乳香

沒藥

琥珀

硃砂

麩仁 各三錢

已上五味先乾研極細入麩仁研細水飛澄清極細纔傾入前藥一同復熬以筋點藥於水中不散爲度勿令過與不及取下於土中埋七日取出置於銀器或磁器中如法收貯便再添入後細藥以桃柳枝攪勻

南礪砂

珍珠

龍腦

珊瑚枝

各一錢

麝香

五分

右五味研極細入藥中封定如有取不盡藥用淨

水斟酌洗渲熬過另放洗眼或膏子糊了傾些小
調解

灸雀目瘡眼法

寶鑑云小兒雀目夜不見物灸手大指甲後一寸內
廉橫紋頭白肉際各一壯炷如小麥大

小兒瘡眼灸合谷二穴各一壯炷如小麥大在手指
大指次指兩骨間陷者中

按灸法詳見資生
等經茲不備錄

玉機微義二十九卷終

加

無

州

州

州

州

州

州

玉機微義卷之三十

吳陵劉純宗厚輯

後學

張汝曜薇明

校

沈廷颺佩游

牙齒門

論牙齒諸痛所因

東垣曰夫齒者腎之標口者脾之竅諸經多有會於口者其牙齒是也手足陽明之所過上斷隸於坤土止而不動乃足陽明胃脉之所貫絡也下斷嚼物動而不休手陽明大腸脉之所貫絡也手陽明惡寒飲

而喜熱足陽明喜寒飲而惡熱牙者腎之標亦喜寒
寒者堅牢熱甚則齒動斷斷袒脫作痛不已爲病不
同故所治療亦異也有惡寒而作痛者有惡熱而作
痛者有惡寒又惡熱而作痛者有惡寒飲少熱飲多
而作痛者有惡熱飲少寒飲多而作痛者有牙齒動
搖而作痛者有齒袒而作痛者有齒斷爲疳所蝕缺
少血出而作痛者有齒斷腫起而作痛者有脾胃中
有風邪但覺風而作痛者又有牙上多爲蟲所蝕其
齒缺少而色變爲蟲牙痛者有胃中氣少不耐於寒

袒露其齒作痛者有牙齒疼痛而穢臭之氣不可近者痛既不一豈可一藥而盡之哉

按此論齒惡寒熱等作痛本手足陽明動搖斷脫本足少陰故此三經所主爲多然齒袒蟲疳濕熱斷腫血出作痛痛而穢臭者皆胃熱火盛所致亦有諸經錯雜之邪與夫外因者故已上病機現證甚詳學者宜究其機而處治焉

論牙痛分三因

陳無擇云齒爲關門腎之榮骨之餘也腎衰則齒豁精固則齒堅又大腸支脈在牙斷主灌注於牙大腸壅則齒爲之浮大腸虛則齒露挾風則上攻頭面疳

三校行錄卷之三
二
蟲則齩脫爲痔皆氣鬱而生諸證不同治之

謹按頭面外冒風寒或口吸寒冷致牙痛者皆外
因也實熱或陰虛火動骨蒸所致氣鬱血熱蟲蛀
皆內因也硬物所支打擊等致皆不內外因也故
諸証不同治之陳氏止言經病而不具三因者恐
傳梓時
脫簡爾

論齒痛爲風熱濕熱所致

東垣曰劉經歷之內年三十餘病齒痛不可忍須騎
馬外行口吸涼風則痛止至家則其痛復作家人以
爲祟祈禱於巫師而不能愈此病乃濕熱爲邪也足
陽明多血多氣加以膏粱之味助其濕熱故爲此痛

因立一方不須騎馬當令風寒之氣常生於齒閒以黃連胡桐淚之苦寒新薄荷葉荆芥穗之辛涼四味相合而作風寒之氣治其濕熱爲主以新升麻之苦平行陽明經爲使牙齒骨之餘以羊脰骨灰補之爲佐麝香少許入內爲引用爲細末擦之痛乃減半又以調胃承氣湯去硝加黃連以治其本服之下三兩行其痛良愈遂不復作

按此論實熱例而合辛涼風劑蓋風能勝濕苦以洩熱也今世俗有以大戟芫花小麥蜀椒細辛蒼耳熬湯熱嗽而牙痛立止者正同此例大抵人之牙齒致病實多內則氣鬱血熱骨蒸等因外則咀

受灸熱寒冰或鹹酸辛辣之味適口豈不漬搏耶
且如以醋沃石則石爲之蘇況人之骨餘乎然雖
經絡所喜之寒熱各不同而
受病異者豈全在於標哉

牙齒治法

治風之劑

局方細辛散治風蛀牙疼腮頰浮腫

荆芥穗

細辛

各一兩

砂仁

五錢

白芷

紅椒

草烏

各二兩

鶴虱

牙皂角

萆撥

各五錢

右爲末每少許頻擦患處有涎吐之仍用水灌漱

按此手陽明足少陰厥陰藥也

三因玉池散治風蛀牙痛腫痒動搖牙齦潰爛宣露

出血口氣

地骨皮

白芷

升麻

防風

細辛

川芎

槐花

當歸

藁本

甘草

等分

右爲末每用一字揩之痛甚取一二錢水盞半黑豆

半合薑三片煎漱

按此手足陽
明厥陰藥也

百一選方治風牙疼

白芷 一兩

硃砂 一分

右為末煉蜜丸櫻桃大每一丸擦牙上

按此手陽明
之藥也

御藥院方獨活散治風毒牙疼牙根腫痛

川芎

獨活

羌活

防風 各五錢

細辛

荊芥

薄荷

生地黃 各二錢

右咬咀每三錢水煎漱嚥

按此足太陽厥

陰少陰藥也

元戎立効散治牙疼

小椒

露蜂房

青鹽等分

右爲細末煎數沸熱漱卽止

按此足少

陰藥也

東垣羌活散治風寒寒濕犯腦項筋急牙齒動搖肉

斷袒脫疼痛苦楚

麻黃

去節
三錢

羌活

一錢半

柴胡

升麻

蒼朮 各五分

草豆蔻 一錢

防風

藁本 各三分

細辛 少許

歸身 六分

白芷

桂 各三分

羊脛骨灰 二錢半

右爲末先以溫水漱過擦之

按此足三陽太陰藥也

治寒之劑

御藥院方丁香散治牙齒痛

丁香

萹撥

蝎梢

大椒 等分

右爲末每少許擦患處

按此足陽明
太陰藥也

草薺散搗藥

草薺

良薑

胡椒

細辛 等分

右爲末每少許含溫水隨痛處鼻內搗之

按此足少陰
太陰藥也

東垣白芷散治大寒犯腦牙齒疼痛

麻黃

草豆蔻

各一錢五分

黃芪

桂枝

各二錢五分

吳茱萸

白芷

各四分

當歸

熟地黃

各五分

藁本

三分

升麻

一錢

羌活

八分

右爲末先用溫水漱淨以藥擦之

按此手足陽明太陽厥陰藥也

治風熱之劑

元戎胡桐淚散治足陽明經虛風熱所襲流傳牙齒
攻注牙斷致腫結妨悶甚者與斷間津液相搏化

爲膿汁宜用此藥

胡桐淚

石膽礬

黃礬

蘆薈

升麻

各五錢

麝香

亂髮灰

各一錢

硃砂

細辛

當歸

川芎

牛膝

各二錢五分

右爲末先以甘草湯漱口後用藥少許傅之如常用少許擦牙去風熱消腫化毒牢固永無牙宣疳

血之病

按此足陽明厥陰藥也

犀角升麻湯治陽明經受風熱口唇頰車連牙腫痛

犀角 七錢半

升麻 五錢

防風

羌活 各三錢五分

川芎

白芷

黃芩

白附子 各二錢半

甘草 一錢半

右咬咀水煎

按此手足陽明太陽藥也

治寒熱之劑

東垣當歸龍膽散治寒熱停牙痛

麻黃

升麻

黃連

草龍膽

草豆蔻

各一錢

白芷

羊脛骨灰

歸尾

生地黄

各五分

右件為末擦之

按此太陽陽明少陰厥陰藥也

益智木律散治寒熱牙疼

草豆蔻

二錢二分

木律

二分

熟地黄

益智

羊脛骨灰

各五分

升麻

一錢半

黃連

當歸

各四分

右為末乾擦之如寒多不用木律

按此足陽明
厥陰藥也

麝香散治熱多寒少牙露根肉斷脫血出齒動欲落

大作疼痛妨食

麻黃根 一分

草豆蔻

黃連 各一錢五分

益智 二分半

升麻 一錢

當歸

生地黄

人參

漢防己 酒製各三分

熟地黄 二分

羊脛骨灰 二錢

麝 少許

右為末擦之

按此足陽明
太陰藥也

治熱攻下之劑

元戎調胃丸治齒痛血出不止

右以調胃承氣湯爲末蜜丸服

升麻丸治陽明有熱攻注牙齒腫痛脉洪大而實

細辛

升麻

防己

羌活

牽牛

大黃

右等分煉蜜丸桐子大每二十九丸溫水臨睡服

按此二方陽明例藥也論云病源有手陽明之支脉入於齒齒是骨之所終髓之所養若風冷客於經絡傷於骨髓冷氣入齒根則齒痛或胃與大腸俱熱大便秘結經絡壅滯而齒齲痛者治法不同

也

清胃涼血之劑

東垣清胃散治因服熱藥使上下牙疼不可忍引頭

腦滿面發熱大痛喜寒惡熱

生地黄

三分酒製

升麻

一錢

牡丹皮

五分

當歸

黃連

各三分

右作末為一服水煎冷服

神功丸治多食肉人口臭不可近牙齒疳蝕牙斷肉

將脫齒落血不止

黃連 酒製

砂仁 各五錢

生地黃

甘草 各三錢

藿香葉

木香

歸身

蘭香葉 如無藿香代之各一錢

升麻 二錢

右爲末湯浸蒸餅丸如棗豆大每服百丸至二百

丸白湯食遠下

按此二方並陽明例藥也

治蟲之劑

秘方馬夜眼燒存性爲末敷上立愈

瑞竹堂方治蟲牙疼

天仙子不以多少燒烟用竹筒抵牙引烟燻之

其蟲卽死

謹按牙斷生蟲乃腸胃之濕熱甚而生也學者宜治其本

補劑

金匱八味丸治腎虛牙痛

方見補虛門

三因安腎丸治虛壅牙齒疼痛浮腫

方見腰痛門

按此二方並少陰例藥也

取牙藥

本事方取牙落不犯手

草烏

草撥

各一兩
五錢

川椒

細辛

各三兩

右為末每少許指在患處其牙自落

謹按牙齒動搖多因陽明風熱或濕熱疔蝕牙齦
袒露故久則動搖脫之漸也然亦宜求其本而治
其內堅藥以擦其外庶或有可安之意否則一以
動搖而取之非也况此藥太躁恐非所宜姑采之
以備其
例爾

堅牙藥

聖濟總錄方治牙齒動搖

黑錫半斤大鍋內化成汁入桑條灰柳木槌研
合成砂以熟絹羅爲末每日早晨揩牙溫水漱
在盂內以水洗眼能明目黑鬚鬢

食療方治牙動及血蠱並瘡其齒堅牢

皂角 二挺

鹽 五錢

右燒令赤細研夜用擦牙齒一月

西嶽華峯方

猪牙皂角及生薑

西國升麻熟地黃

木律旱蓮槐角子

細辛荷葉要相當

荷葉
取心

青鹽等分同燒燬

研細將來用最良

揩牙牢牙髭髮黑

誰知世上有仙方

元戎麝香間玉散

酸石榴皮

訶子

各三兩

升麻

綠礬

枯

何首烏

青鹽

百藥煎

五倍子

沒石子

各一兩
五錢

白茯苓

一兩

細辛

石膽礬

各一兩
五錢

荷葉灰

白檀香

川芎

白芷

甘松

零陵香

茴香

藿香葉

猪牙皂角

灰

木鱉子

各二錢

萹撥

青黛

各一錢
五錢

麝香

一錢

腦子

五分

右為末用藥後茶清漱又方無腦子加沉香

二錢

瑞竹堂方蒺藜散治打動牙齒

蒺藜根一味燒灰貼動處

東垣白牙散

升麻

一錢

羊脛骨灰

一錢

白芷

七分

石膏

一錢
五分

麝香

少許

右爲末先以溫水漱擦之

按齒者骨之餘精氣所養然無病不可常擦蓋精氣腎氣反有所惡耳昔人有久以苦參揩牙而病腰痛腎受傷也此其鑑焉已上方宜隨證選用

嚴氏香鹽散常用牢牙去風冷蛀齩宣露一切齒疾

大香附子

炒令極黑三兩

青鹽

五錢

右爲細末如常法擦用

玉機微義卷之三十終